

中國地方志集成

貴州府縣志輯 ④2

咸豐安順府志
(二)

民國續修安順府志

巴蜀書社 • 江蘇古籍出版社 • 上海書店

第四十二目錄

咸豐安順府志(二)	一
民國續修安順府志	一四九

豐咸
安順府志
(二)

清·常恩 修 鄒漢勳 吳寅邦 纂

咸豐元年刻本 五十四卷首一卷

教

再示便民倉頭人及各鄉富民教

劉祖憲

示勸舉報孝子節婦教

胡林翼

文移

請定安平縣學租詳文

顏鳳儀

永甯州牒儒學撥歸義田租文

申贊皇

增設安平便民倉詳文

劉祖憲

捐買科田貸完無著糧米地丁詳文

劉祖憲

通報捐買田租添設孤貧額數詳文

劉祖憲

安順府志

卷四十五

藝文志目錄

捐設書院膏火並成鄉義學田租詳文

劉祖憲

請增永甯學額詳文

黃培杰

書

復貴提督李本深書

甘文焜

稟

清釐安平田賦稟

徐玉章

請加永甯學額稟

修武謨

安順府濬河稟

胡林翼

知安順府事長白常恩奏

藝文志二

教

再示便民倉頭人及各鄉富民教

劉祖憲

斯倉之設。以便民也。其以為未便者。亦唯曰重利不行。非富者便而已矣。殊不知加五重利。必貧且迫者。始甘心從之。不一二年間。愿者求讓。黠者竝思吞爾木。左支右吾。迫爾告狀。及至告官。無論本利之能追與否。而糜食費受差擾。且數倍於本穀。是未得其利。而先虧其本也。即汝慎擇

安順府志

卷四十五

藝文志

一

借戶。而始見其有餘。不數年。負欠累累。所當之田業。半皆重複典賣。控之於官。而家產盡絕。官無可追。此時欲求其還本。而尚不足。追問利乎。遑曰加五乎。即使所借之人。俱貧而弱。些少田土。盡歸於汝。而汝之前後左右。皆貧民。朝求救補。夕為盜賊。汝能安乎。稍不遂欲。便道路目汝。而且咒汝罵汝。汝能安乎。甚有無知之人。欺補不遂。輕生自盡。告汝威逼。告汝人命。汝冤雖白。汝累無窮。汝自思之。加五之利。其可借乎。其不可借乎。今汝諸頭人。皆為余所慎擇。而素稱殷實。謹愿者也。苟由此益擴其仁心。勿思重利。勿事盈剝。遇貧民則興之言勤儉。遇富民則興之言好義。不

安順府志

卷之四十五

藝文 教

二

心也。諸頭人及富民共勉為良善。無負余囑也。

示勸舉報孝子節婦教

胡林翼

照得孝弟為人倫之極則而節烈乃士女之芳型。當其至性感人。行路尚為流涕。至今幽光未發。吾輩能無厚顏。本府下車以來。留心訪察。立志闡揚。而志乘闕如。湮沒無考。皆因郡中風尚至樸。民力至貧。即使潛德人淫。孤魂莫慰。而苦於資財不裕。舉報難艱。蓋胥吏之借事需索。與年例之無端挑駁。本府久已知其情狀矣。今本府移行各廳州縣。暨儒學教官。飭令查明孝子節婦。許爾族隣人等。會同地方公正紳士。開據事實。赴學呈報。學中及有司書吏等。

呈報。張皆由各官自行捐給。詳理。如有索取分文。准即到府申訴。並准將事實徑自開送。到府本府傳見。後立即札飭各學有司官。查實補給文冊。以憑核辦。自下至上。不致需索一文。亦不慮經書之挑駁也。為此示諭紳耆人等。知悉。爾等務當即時廣為採訪。聯名呈報。以便作速申詳。此外如有割於孤兒。雖非中庸之道。奔喪貞女。或因年例未符。亦並據實稟聞。聽候獎勵。夫人情當萬難之境。獨行其是。原無意於求名。而有司有彰善之權。義無可辭。何忍因以為利。爾等幸勿視為迂闊而忽之也。

文移

安順府志

卷之五

藝文

文移

三

請定安平縣學租詳文

顏儀鳳

為額請賜文詳定學租。培修文廟。以垂永久。事。雍正三年十月內。奉各憲批。本縣詳據縣屬舉貢生員何深等。呈請將縣屬馬場堡教場場田租。歸學修葺文廟。緣由到縣。據此。本縣查得馬場堡田租。除納正供。三石四斗五升六合。丁銀九錢。歲用銀一錢三分外。每年共計獲租三十石。豆七石。因田被州民侵佔。官經三憲。事歷多載。原係本城生員張芳生。田洪泌七姓人等。於康熙四十七年內。告捐培修文廟之資。詳明各憲在案。蒙前撫憲于批准入學。以額。近因教官收入私發。以致學宮傾圮。卑職到任。日。

心傷勉捐薄俸。並募本地紳士。量力捐助。於本年六月內。庀材鳩工。將近告成。今據何深等。恐嗣後教官侵食。難免飄搖之虞。是以籲請轉詳。將馬場堡田租。選擇一老成殷實之人掌管。五年一輪換。遇文廟有破壞倒塌之處。會同

閭學。估計補葺。費過若干石。尚餘若干石。立簿交存縣內查對。如無補葺。將租變賣買田。倘年久租多。一時不能買置田畝。卑縣現設義學兩館。分其餘租。以添義學束脩。並考課獎賞。再卑縣有教場壩官租穀十五石。歷年俱係縣內收食。卑職到任。即捐入學宮。以襄異日挽修之資。仰懇憲臺鴻恩。統為飭批勒石。以儲學中公項。俾教員不得藉

安順府志

卷之五

藝文 文移

四

端侵蝕。而廟貌賴以常新矣。等情奉撫部何批。該縣捐修聖廟。復經理學田。以備續修之用。殊屬可嘉。如詳勒石。永遠。仍不時稽查。毋使侵蝕。又奉督學院王批。據馬場堡教場壩。均係學田。每年所收餘租。自應永供修葺文廟之費。該縣悉心經理。規畫久遠。深可嘉尚。如詳勒石遵守。仍候兩院批示。繳及奉按察司申批。馬場堡田租。既經田洪泌等捐修聖廟。該教官何得私行侵蝕。坐視傾圮。殊忝厥職。今該縣捐修培植。甚屬可嘉。仰候各憲批示。繳及奉冊東道批。據詳誠屬善舉。仰候各憲批示。遵行。繳及奉本府何批。據詳經理妥協。悉見實心辦事。甚屬可嘉。既蒙各憲

批允。仰即遵照勒石。永遠。仍不時稽查。毋使侵蝕。等因。奉批到縣。合行勒石。永遠遵行。惟望後之司鐸者。切勿侵蝕田租。庶廟貌輝皇。永永勿替矣。須至碑者。

永甯州牒儒學撥歸義田租文

申贊皇

乾隆三十八年三月十六日。據州屬紳士周景濂等。呈報雍正十年內。前州陳案撥大龍潭租穀三十五石四斗四升八合。充義學師生資斧。嗣因借充他項公用。久假不歸。為此呈乞查案通詳。勒石學宮。永將大龍潭租穀充義學。膏火等情。據此查大龍潭租穀。從前原係撥歸義學。以充膏火。嗣因義學荒廢。是以將義學穀石。撥歸捕衙徵收。變

安順府志

卷之五

藝文 文移

五

價批解。以作開銷路斃流丐棺木之費。在案。今據周景濂等呈請改歸義學前來。為此牒知學署。希將撥歸義學穀三十五石四斗四升八合。每年照數徵收。以作義學膏火。將何如開銷穀石數目。造冊過州。以便查考。須至牒者。案據下三馬洛運總目。王日恒。生員王天元。具控。邑懷王天宇。匿契不稅一案。業經前州訊明。照例充公。斷歸義學。以資膏火。在案。因州城未設義學。以至延擱。未經查辦。今義學現在興修。相應開明四至。牒送辦理。為此合牒貴學署。煩為查照。來牒事理。希將邑懷寨納永田畝。照依後開四至坵數。歸入義學。安佃收租。以資膏火。須至牒者。

增設安平便民倉詳文

制祖

為通飭遵照事。道光五年十月十七日。奉各憲札飭各府廳州縣。隨時勸諭士民。量力捐輸。以厚積貯。而濟荒歉。等因。由府轉行下縣奉此。卑職查嘉慶二十五年。奉奉本府憲行奉貴西道何轉奉督部堂慶札飭各府廳州縣。察該地方情形。或捐廉量助。或勸富樂輸。據實具詳核奪等因。當經前陞縣徐玉章。於道光元年起。至四年秋止。共勸捐便民義穀九百四十餘石。設立本城姜家巖猪相堡倉四間。修貯九甲堡倉一間。鍾靈山寺倉一間。卑職於道光四年七月二十一日到任。接准移交。伏思此項義穀。原

安順府志

卷五

藝文 文移

六

為備荒。及貧民歷年耕種青黃不接而設。卑縣周圍五百餘里。加以西堡十二枝。離城百餘里。或二百里。前捐之穀。不足以供借。即數足相給。而路途遙遠。往返六七日。所有盤纏及挑脚。每石已費至五六斗。於民無益。惟數聚而共為一倉。民無轉運之勞。其便一也。義穀一石。取利穀一斗。往往有貪圖輕利。混行告借者。向例責覓殷戶。就保。所以杜民欠也。但道遠應借之人。或以隔遠無人認識。竟至向隅。或輾轉求保。耽延時日。均非便民之意。惟數聚而共為一倉。則果係應借。通察咸知。舉目親鄰。易於覓保。其便二也。所有頭人好義急公。雖不取工值。而每石穀取利一斗。

再除耗三升。耗費二二三升外。實只得穀四五升。所以向例只准頭人四五人。於發借收穀之時。先行約會。定期不過五日。或六七日。所以省糜費也。但違者得信或後。而頭人以非放借之期。有事外出。貧民守候耽延。勢所不免。惟數聚而共為一倉。隨借隨放。隨還隨收。民便而頭人不勞。其便三也。若數十里。祇設一倉。則倉一而借者千百。登簿認保。一日不能周到。擁擠爭執。均所不免。況春耕忙急。彼此各欲先歸。更難保無爭競之事。一至爭競。三四頭人。其能彈壓乎。惟數聚而共為一倉。除約會收放定期外。仍可隨時散借。人無擁擠。爭執不形。其便四也。其偶逢小歉大歉

安順府志

卷五

藝文 文移

七

之年。或應減價平糶。或應酌量先為散賑。皆所以賑恤貧民而利之所在。各思冒混多借。弊端易起。爭執易生。惟數聚而共為一倉。極貧次貧。人所共知。應借不應借。亦人所共悉。耳目易周。弊端易絕。其便五也。至建倉愈多。則管理愈易。收放愈近。則民情愈親。貧者既知為己所仰賴。富者亦知濟貧。即所以安富。各為其鄉。各共為守。稍有弊竇。報口交攻。而頭人之善者。借此以盡友助之情。不善者。亦因此而不生覬覦之念。其便六也。且建倉既多。必有經理得宜。積穀數倍者。人之欲善。各有同心。十室之邑。必有忠信相觀而善。知必有欣然共圖久遠者。即或頭人不妥。一

安順府志

卷五

藝文 文移

八

稟報官亦得以虧缺無多而易於追償彌補不致此倉之竟廢其便七也。有此利便卑職當即捐穀二百石每逢因公下鄉之便親為勸捐或聯二三村寨為一倉或聯四五村寨為一倉總以七八里及十餘里者合為一處並將某倉應借某村某寨不許別寨混借等語出示曉諭以杜爭借之弊自去冬十月起至今秋七月止共計捐穀五千餘石合前任勸捐九百四十二石零共成六千餘石分作三十六處收貯卑職勸令善民徐士魁等獨建龍場等處便民倉十七間卑職捐修及鳩建倡修三十八間加舊存六間共計建設便民倉六十一間均已次第完竣如積穀更充再為另行擇地議蓋所有善民徐士魁褚廷璧雷天爵唐經邦梁師陶楊大發劉玉佩龍捷楊永芳王光遠吳廷紀蘇玉珮等十二人獨力捐建義倉三間或二間或捐地基俱屬可嘉猪槽堡頭人鄭德嘉原領便民倉穀二百石實心辦理自捐工食雜費盡數收放銷耗亦少自道光元年起到五年止進息穀一百七石零亦屬善公司嘉卑職均給與匾額以示鼓勵茲據各頭人稟報收竣理合將捐戶姓名穀數各處倉厰間數並頭人收放各款造冊詳報憲臺俯賜查核批示飭遵除徑報督部堂撫部院暨藩臬糧巡各憲外為此備由繕冊文中乞照詳施行須至冊者

捐買科田貸完無著糧米地丁詳文

劉祖憲

安順府志

卷之四

藝文 文移

九

為詳請立案事查得卑縣原額屯科糧米四千五百九十八石八斗九升九合一勺內有逃亡故絕久已無著屯糧米九石零六升六合五勺所有七所一萬二千餘戶其以數抄整成一勺者自設縣以來約漏出糧米四石零五斗三合四勺歷任俱將此漏出糧米抵完無著之項除對抵外更有無著糧米五石零一升三合一勺向係歷任墊賠足額或係糧差及頭人等各自分賠前升縣徐玉章以無著糧米若聽糧差及頭人等分賠難免該差等得以借口浮收已經禁革在案茲卑職於道光七年三月捐銀一百五十兩買得黃湛林科田二塲一塲坐落中六林下堡門首塲中田一坵朱旗塲田四坵大樹脚田一坵劉家墳山田大小八坵大門首長田一坵團田一坵洪園田三坵共田十九坵又一塲坐落那江河本庄田四坵本庄田三坵共田七坵二共科田二十六坵共計收租穀十九百六斗除貸完前項無著糧米五石零一升三合一勺耗米七斗五升一合九勺六抄五撮去穀一十一石五斗三升零二勺三抄完納正耗丁銀及開銷運脚各費去穀三石零六升九合八勺七抄外更剩穀五石存貯縣倉以備歲歉減租奏完糧米之用如此庶無著之糧永歸有著而荒歉之

歲亦可以免縣令之賠累矣。再查卑職於本年三月內通詳捐買書院義學租穀一千二百五十石零。經頭人生員帥鳳徵等稟請將所置書院義學租穀歸縣收租變解。卑職已籌存備荒減租租穀二十石。並此項五十石共計每年積穀二十五石。概於交代時清交後任。以爲彌補荒年減租納糧之用。合竝聲明。理合備文詳請憲臺俯賜查核批示立案。除詳藩糧巡本府憲外。爲此備由另冊文申乞照詳施行。須至冊申者。

通報捐買田租添設孤貧額數詳文

劉祖憲

爲捐置田租添設孤貧口糧鹽米以濟貧民事伏查卑縣

安順府志

卷五十五

藝文

文移

十

額設孤貧大口二十七名口。每名口日給米八合。小口五名口。每名口日給米五合。二項每名俱日給鹽菜銀五釐。均於本邑徵存官庄餘米內動支。每大口歲折支棉布衣褲銀九錢九分。小口折支銀四錢九分五釐。歷赴藩庫請領開銷在案。嗣因各鄉孤貧民人多行赴縣呈懇。頂食名糧。若循照舊例。概令其守候頂充。而人多額少。該窮民望補需時。難免其流離失所。是以卑職於到任後。即將此項窮民捐給口糧鹽菜。至冬捐給棉衣褲。俾得全活。自道光四年起陸續加增。至道光七年十月止。前後共捐設孤貧大口口糧六名。小口三名。即有二三候補之人。亦不過數

安順府志

卷之五十五

藝文

文移

十一

月即可補食。庶幾額外孤貧不至有向隅之泣。惟是此項口糧。年需米二十二石六斗八升。鹽菜銀十六兩二錢。棉衣褲銀七兩四錢二分五釐。卑縣既無閒款可籌。若概令後任捐給。亦恐難永久。用是捐買金譚氏全男世當世照等粟木寨全庄糧田一十五垧。不計坵數。共四十八畝六分四厘。東抵河西抵鎮甯州田土界。南抵燈盞坡。北抵山頂。所有地土山場寨苑一切在內。仍招原佃艾文通等十五家佃種。年納租穀一百四十五石二斗。額載糧米十二石八斗。丁銀九錢一分。耗銀一錢三分六厘五毫。除完納糧米一十二石八斗。耗米一石九斗二升。銷去穀二十九石四斗四升。地丁正耗銀一兩零四分六厘五毫。銷去穀二百五十斗。再抽出穀五石。逐年存積。以爲彌補荒歉減租之用。更剩穀一百零八石二斗六升。碾米五十四石一斗三升。除大口六名。歲支米一十七石二斗八升。小口三名。歲支米五石四斗。尙存米三十一石四斗五升。照青黃不接時。上米市價。羅賣銀兩。足敷鹽菜及棉布衣褲之用。若照中年米價。尙可剩銀數兩。其扣存小建口糧鹽菜銀兩。官自儲積。以備閏月之費。所有普濟堂七間。不論正署。各任自爲捐廉。隨時粘補。歷年應給口糧鹽菜及棉衣褲米銀。在任之員。先行墊發。至十月收租後。即將此租穀扣還

請款。如遇有交代。除扣還墊發各項外。前任仍交出租穀五石。及小建扣存餘米。以為彌補荒歲減租及遇閏加和之用。是否有當。伏乞憲臺俯賜查核批示立案。實為德便。除詳閣督部堂撫部院暨藩糧巡各憲外。為此備由另文繕冊申乞照詳施行。須至申冊者。

捐設書院膏火並城鄉義學田租詳文

劉祖憲

為捐設書院膏火並義學田產。詳請立案。以垂久遠事。竊照州縣有作育人材之責。書院義學。均關緊要。卑縣地方瘠苦。從未會議及。自嘉慶二十年。經前故令陳嘉祚捐建治平書院一所。勸令紳民捐置田畝。並前陞縣徐玉章。陸

安順府志

卷之四十五

藝文

文移

十二

續捐買。歲收租穀。除完納糧米地丁正耗及運脚碾米各耗外。實得穀二百零九石五斗四升。為數無多。僅敷延師之用。並無膏火銀米。寒畯之士。不得不兼謀衣食。以致在院肄業者。甚屬寥寥。至城鄉義學。查康熙四十二年。前故令謝夢弼。捐買延師穀一十六石。設立城中義學一處。不久旋廢。卓職即於到任後。設立城中南北二處義學。又新設各鄉義學。招集貧苦蒙童入學課讀。又恐事難垂久。隨先後捐廉銀二百五十五兩三錢八分。以為之倡。一面勸令紳士量力捐輸。幸五六兩年。年歲豐稔。前後共勸捐銀七百九十三兩四錢二分。連卓職前後捐廉銀二百五十

五兩三錢八分。共得銀一千零四十八兩八錢。派令素稱誠謹之生員帥鳳徵。鄒凌雲等。作為首士。買得卑縣所屬之屯田。除全庄及田成一派。不計並數外。實買得田四百四十五畝。除去完納糧米地丁正耗。及運脚碾米各耗外。實得租穀五百五十七石二斗六升。又年得猪槽堡。舖隴場。利穀九十石零一斗六升。共得穀六百四十七石四斗二升。連前舊買租穀二百零九石五斗四升。共計穀八百五十六石九斗六升。內撥為治平書院山長束修薪水穀一百二十石。內外肄業二十名。膏火穀一百二十石。賞給飯食紙筆穀四十石。城南義館。延師穀三十石。城北義館。

安順府志

卷之四十五

藝文

文移

十三

延師穀三十石。猪槽堡義館。延師穀三十石。生息穀二十五石。舖隴場義館。延師穀三十石。生息穀一十五石五斗六升。齊伯房義館。延師穀三十石。生息穀一石六斗。羊場河義館。延師穀三十六石。上洛陽義館。延師穀三十石。桑東舊場義館。延師穀二十四石。車頭堡義館。延師穀一十六石。飯籠舖義館。延師穀一十六石。後六義館。延師穀一十六石。後三八義館。延師穀一十六石。生息穀四石。後九甲堡義館。延師穀一十六石。關廟義館。延師穀一十六石。五里屯義館。延師穀一十六石。西堡馬場義館。延師穀一十六石。西堡龍場義館。延師穀一十六石。西堡大弄坡義

館延師穀一十六石。西堡戛卧寨義館延師穀一十六石。計治平書院延師膏火各穀。並城鄉西堡義學十九處。共計用穀七百四十二石一斗六升。更餘穀一百一十四石八斗。交書院頭人輪流生息。以備荒年。彌補書院義學各穀。及續置田產之用。從此寒苦諸生。得資肄業。貧民子弟。各得入學從師。以期仰副大人樂育人材之意。至前項新舊置置田產。既屬官庄。應輸地丁糧米。核計所入穀石。劃出田畝坵數。另造清冊。官為收租變解。其餘概歸書院。並各義學首士經理支放。按年造冊報銷。所有義學館舍。除關廂已建有房屋。無庸議蓋。餘俱在各該處公所。暫行開

安順府志

卷之五

藝文

文移

古

設。容侯陸續籌辦。另行稟報。除將各項田畝造具清冊。呈報藩司糧儲道本府存案外。所有卑職勸捐書院膏火。並城鄉義學田畝各緣由。理合詳乞憲臺。俯賜查核批示。飭遵除徑詳閣督部堂。撫部院。暨藩臬糧巡四憲外。為此備由申乞照詳施行。須至冊者。

請增永甯學額詳文

黃培燕

為遵札確查。懇額詳辦事。案於道光十五年十一月。據卑州紳士楊茂材等。呈懇請加學額一案。奉府憲經行奉布政使司額。按察使司楊貴西兵備道周會札內開。奉督部堂伊札據呈永甯州人文較盛。應否加額之處。仰貴州布

政司會同貴西道。督飭安順府查明例案。及現在情形。妥議通詳核辦。稟發仍移。等因。又奉撫部院稽批據稟加增學額。是否可行。仰布政司會同按察司。貴西道。體查實在情形。確核妥議詳報。仍候雲貴督部堂批示。稟發仍繳。等因奉此。當經卑職將應請增額情形。據實詳在案。茲於道光十六年二月十三日。復奉憲臺行奉兼署布政司店貴西兵備道周會札內開。奉督部堂批。此案前已簽查。茲據復詳前情。仰貴州布政司會同按察司。貴西道。查明近年中式是否加多。妥議詳報。仍候撫部院批示。繳。又奉撫部院賀批仰署布政司會同按察司。貴西道。體查實在情形。確核妥議詳報。仍候督部堂批示。繳。各等因。到州奉此。飭即妥議詳報。以憑核轉。卑職遵查學政全書內載。雍正二年奉

安順府志

卷之五

藝文

文移

古

上諭我

聖祖仁皇帝。壽考作人。六十年來。山陬海徼。莫不蒙慈。戶誦。直省

應試童生。人多額少。有垂老不獲一矜者。其令督撫會同學臣。查明實在人文最盛之州縣。題請小學改為中學。中學改為大學。大學照府學額取錄。督撫務宜秉公詳查。不得徇私目濫等因。欽此。欽遵在案。又查學政全書內載。嘉慶十五年。議准雲南昭通府。自雍正五年設學。取進文生

十名。原增各八名。四年一貢。現在應試文武童生。較前更屬加增。請量加調劑。以示鼓勵。昭通府准其加額。進文生二名。武生二名。增設廩增各四名。三年一貢等語。查卑州自康熙三十八年。與同府之普定清鎮等縣。同時題請設學。均照小學例。取進文武童生各八名。嗣普定等縣。於雍正二年。准增額四名。安平縣學。原額七名。後亦增額五名。道光六年。即借廬新設學校。亦係十名。卑州設學一百數十年來。多士奮興。不獨改土歸流之募役司。所屬民苗。咸知誦讀。即沙營。頂營兩土司。以及樂運。樂壩。八大樂舉。大地。播西。六土。弁地方苗童。莫不仰承

安順府志

卷五

藝文 文移

六

聖教。慕義向風。卑職於十五年四月到任後。勸捐修建學宮。書院。義學。義倉。並置義田。修理橋梁道路。各項工程。俱已告竣。詳請鼓勵在案。其士習民風。實為醇樸。本年科考。據儒學彙送漢苗生童花名清冊。至有四百餘名之多。較同郡州縣應考名數。有盈無絀。且卑州額設廩生三十名。增生三十名。拔貢一名。歲貢三年兩名。本係中學之制。歷來鄉會兩試。間有中試近科以來。中試加多。道光壬午科。中試舉人楊茂材。即於癸未科會試。中試進士。乙酉科中試舉人侯榮封。戊子科。中試舉人修武謨。姜封齊。壬辰科。中試舉人楊茂先。乙未

恩林。中試副榜沈宗濤。較黔省各苗疆地方。實係文風最盛。核與昭通府苗疆加額之例相符。可否如該紳士等所請。改小學為中學。文武童生。各增額四名。以示鼓勵人材之處。出自憲恩。如蒙俯賜栽培。實於苗疆地方。大有裨益。再永甯原設廩生三十名。毋庸再加原額。合茲聲明。卑職管見所及。未識是否。所有奉札。飭查妥議。緣由。理合具文。請憲臺查核轉詳。實為德便。

書

復貴提督李本深書

甘文焜

安順府志

卷五

藝文 書

七

皇上而造福於蒼生之至計也。緬維我國。家定鼎西南。荒服之區。桂王獻俘於緬甸。安坤授首於水西。羅甸檣槍。掃除皆靜。壯山渠賊。反側自安。文德崇。踏於三王。武功丕振。於萬國。河清沔。曼。福祿永昌。念茲滇黔重地。撫綏實難。鎮服匪易。爰

命貴軍門與本部院。撙以邊疆重任。予以閩外兵權。是雲貴之安危。皆本部院與貴軍門之責。更無所容其旁貸者也。邇時

平西王奉

吉准撤回京。一月之間。三次

欽差大人往滇。羽檄戒嚴。虎狼蟻踞。搖動人心。披猖鼎沸。貴州

藩司潘。臬司李。惶駭道陳。已經調赴普安州。安南等處。策

應平西王回京。搬運家口夫馬。持籌儲備。省會空虛。兵民

惶惑。撫都院曹數日來。開

欽差大人。星夜奔馳出滇。不知所為。塘報杳無。揣茲事勢。禍亂

已熾。本部院厲兵秣馬。期與貴軍門聯鑢並轡。剿滅妖氛。

幸惟恢宏大畧。共披肝胆。仰報

皇上浩蕩洪恩。提挈兩省兵民。出離湯火。嗚呼。本忠孝真性。建

英雄事業。正在今日矣。本部院現馳檄威甯。大定。黔西。平

安順府志 卷之五 藝文 書 九

達安籠各總鎮兵。矢以同心同德。共勤王事。鐘鼓式靈。犬

羊隊會。更不必俟。寇涉盤江。始商共著祖鞭也。貴軍門如

果志在匡君。忠貫日月。當與本部院手足相依。攻同之車

馬。便為於燦之

王師板蕩之功。勳標作不朽之麟閣。身名俱泰。清史流芳。印

或寇孽猖獗。孤臣受困。本部院任兩省封疆。惟有效張巡

南霁雲以身殉國。卽屍無馬草裹還。斷不稍存携貳也。貴

軍門同守封疆。休戚存亡。與本部院相為一體。為今日計。

願卽日興師。駐劄盤江上流。以禦其變。馳檄各鎮。結營

以互為聲援。本部院會同憲部院。督率督撫兩標人馬。印

孤固守以待

王師不然者。惻怛無從。二三其德。謬瞻顧於家室。思依附於

前驅。進恐成礙。退亦多凶。未免難羅。于羅。狼跋其尾。一失

脚時千古憾。再回頭。是百年身。遺孽遺臭。千里毫釐。貴軍

門其孰思而審處之。無遺後悔可也。

稟

清遠安平田賦稟

徐玉章

竊照黔省田賦。屯田為重。查安邑起徵利則。每屯一畝。計

二十六升有零。推原其故。因縣屬本係平壩衛屯軍。每軍

一名。向徵額糧四石。所耕之田。名曰屯田。此外又有開墾

安順府志 卷之五 藝文 稟 九

老田。及順治十六年以後。勸民開墾。陸續起徵。名曰耕田。

稅則極輕。每畝自五升至五合三合不等。其實有完科一

畝。而管業數畝。至十餘畝者。迨康熙二十六年。改衛設縣。

糧額仍依衛制。取足於屯軍百戶。而各百戶尚有新建之

餘糧。以補足正額。此歷來糧賦並無遺欠之緣由也。惟是

改衛設縣以後。屯科田畝。均屬私業。例得買賣。而屯軍之

管者。為富戶把持。輒將有水源之上田。改為下則利田。甘

納空糧。以圖受價。而富戶之狡黠者。改易地名。混淆額額。

甚至耕數十畝之田。而僅納糧數升者。且有將所置額額。

佃與窮苗。將租納糧。而本名下雖田連阡陌。額糧無多者。

追近年以來窮軍窮苗田園賣盡始而鬻賣屋宇繼而鬻賣男女以填通賦更有逃亡故絕無可著追而糧差及鄰族代為賠墊者卑職到任以後日夕清釐縣省本無庫貯魚鱗清冊而民間買賣每每改易地名希圖掩飾甚至實徵版冊每年更易父子弟兄名字以致無從查察竊查本邑新懇之科田倍於屯田更有永遠所歸併之科田又加數倍統計本邑四千餘石之額糧為數無多與其使屯軍窮苗獨受其累何如丈田均賦共樂輸將雖縣省地瘠民貧萬不可以加賦而屯衛既裁似可裁去屯田各目按照上中下三則計畝均攤俾富戶不致詭寄而貧民得以樂

安順府志 卷五 藝文 稟 三

生似與地方實有裨益卑職向本碌碌自守不敢更張實因卑邑貧民久未照額徵收以致向隅若不亟加整飭再閱數年正供亦必缺額不得不早為清理以垂久遠如蒙允准伏乞飭下改衛設邑之府廳州縣一體核議再行妥議魚鱗冊籍僱募算手造給印單並丈勘年限籌備公費名章程景請

奏辦則邊徼生民永沾利賴矣再卑職所稟係通省公事或慮迂達難行易滋弊竇上厘憲慮但卑邑清查糧務尚有簡便之術可以毋庸

奏請查卑邑未經裁衛以前有康熙九年清丈屯田清冊因

至非然歷係內署流交與清鎮龍里毫無冊籍者不同也賦擬於每年十月至十二月止親自赴鄉按照老冊四下計畝清釐其有改屯結糧者即為改正或有水冲沙壓及舊熟新荒者以新懇之老屯補額雖未能正本清源亦足以補苴頽賦為貧民積紓生計且與本年欽奉

上諭飭令各州縣調查連年糧加之

吉相符在卑職坦白為心士民共諒三年為限決可清釐惟此中為貧民所案問即為富戶紳衿所不悅倘有花戶違拘不遵者即當照欺隱田糧本律辦理是否有當伏乞批示飭遵

安順府志 卷五 藝文 稟 三

請加承辦學額稟 修武謨 為懇加學額以勵人材事竊照康熙三十四年前撫憲王題請添設各廳州縣學安順府屬之永甯州普定縣均照小學例額取文武生員各八名雍正四年蒙

天恩俯念文明漸開民苗向化

上諭撫臣查文風較盛之府州縣進小學為中學中學為大學并定等縣已蒙增額四名時永甯漢苗雜處地廣人稀應請

聖化二百年來又蒙各大憲作育薰陶僻壤民苗咸知誦讀

光二年署知州劉創建維風書院春秋兩開科中穆起

科應試人數。借於設學初年。上年歲試。業學逾格。栽培於額。取八名外。賞取份生二名。多士奮興。如沾時雨。近來書院。應課童生。增至三百餘名。是永邑弟子。爭自濯磨。不亞同郡州縣。有明徵矣。惟歲科兩試。往往人浮於額。平寒士子。感奮無由。恭逢

聖天子雅化。作人於邊方士子。尤蒙逾格恩施。如同省之郎岱。古州。松桃。等廳。向來附府學考試。均蒙題請設學增額。永甯設學已久。童生應試人數較多。其加增學額。亦視各廳尤易。永甯原係州制。歷設廩生三十名。加額無俟添廩也。永甯原有教官。以資訓課。加額無俟設官也。聖宮明倫堂

安順府志 卷之四十五 藝文 三

學。士民公同捐修。加額無俟請領修建也。願請增學額四名。俾符州學體制。舉人等再四籌思。永邑地屬偏隅。文風蒸蒸日上。仰見

聖朝文教草敷。無遠弗屆。而寒苦士民。均知慕義樂輸。隆重學校。其向隅之情。想亦各大憲作育人材之意。所為格外矜恤。樂得而振拔之者也。伏冀憫念輿情。援例申詳。會請仰邀

皇上天恩。一視同仁。照同府之鎮甯。普定。安平。清鎮。等州。縣中學例。增額四名。取進文武生員各十二名。以為鼓舞人材之階。以廣

聖世同文之化。則邊陲下士。永荷栽培。為此呈乞憲臺前俯准施行。

安順府潯河寨

胡林翼

敬稟者。查安順府城周九里三分。設文員八。提督一。武職官弁六十九員。實駐在城兵丁一千五百廿九名。烟民戶口一萬六千三百餘戶。邊塞險要。戶口亦繁。為西南一大都會。卑府於二十七年冬季署篆。時值久晴。河渴泉枯。城內軍民。於東門外四里之龍洞汲泉。降原陟嶺。勞費不少。雖旱不常有。而偶值乏水之年。則一月之費。約計百萬錢。不幸而兩月三月。其價倍增。此安順歷年乏水之情形也。

安順府志 卷之四十五 藝文 三

湖查往籍。洪永間曾議建會城於此。因惡其為竭澤而收。居順元。嘉慶二年。南龍有事。駐重兵於普里。曾以碎石塞砌五壩於城中。不久即廢。遺趾亦湮。其存者。僅東關內民建一堰。石質方整。至今可用。是安順水利之關繫緊要。前八早已慮及矣。復查城之東北八里曰和紹砦。匯田流而成溪。由東北郭入於城。城之西北十里曰馬鞍山。泉流成溪。由西北郭入於城。二流共注於李家花園。又逕於城南而出。出城十餘里。左會飛虹之水。西南會白水壩橋之水。為郎公河。此安順水道之原委也。和紹砦之水。其源易竭。非而不流。馬鞍山之水。石洞淵深。晝夜不舍。而洞外巨石。